



Ein cyf/Our ref MA/VG/3639/22

Elin Jones AS
Y Llywydd
Senedd Cymru
Bae Caerdydd
Caerdydd
CF99 1SN

15 Rhagfyr 2022

Annwyl Elin.

Rheoliadau Rheolaethau Swyddogol (Estyn Cyfnodau Trosiannol) (Diwygio) (Cymru) 2022

Yn unol ag adran 11A(4) o Ddeddf Offerynnau Statudol 1946, rwy'n eich hysbysu y bydd yr offeryn statudol hwn yn dod i rym ar 30 Rhagfyr 2022, ymhen llai na 21 diwrnod i'r dyddiad y cafodd ei osod. Mae copi o'r offeryn a'r Memorandwm Esboniadol cysylltiedig ynghlwm, er gwybodaeth ichi.

Rhaid i'r ddeddfwriaeth ddod i rym erbyn 30 Rhagfyr er mwyn sicrhau nad yw'r cyfnod graddoli trosiannol yn dod i ben ac na fydd bwloch yn y darpariaethau trosiannol. Heb y ddeddfwriaeth hon, ac yn absenoldeb safleoedd rheoli ffin, byddem i bob pwrpas yn cau llwybrau masnach i Gymru ar gyfer rhai nwyddau. Yn flaenorol mae Rheoliadau sy'n ymwneud â'r Cyfnod Graddoli Trosiannol (TSP) ar gyfer nwyddau sy'n dod i mewn i Brydain Fawr o'r UE a rhai gwledydd eraill, wedi'u cyflwyno gan Lywodraeth y DU ar ran Cymru gyda chydysniad Gweinidogion Cymru. Fodd bynnag, penderfynwyd gennym y byddai'n well deddfu yng Nghymru ar y mater hwn gan gydlynu cyn belled ag y bo modd ar sail Prydain Fawr. Fodd bynnag, mae'r cynnwrf yn San Steffan wedi gohirio cyfarfodydd gweinidogol lle byddai'r polisi yn ymwneud â'r ffin, gan gynnwys estyniad y TSP, yn cael ei drafod. Gydag ansicrwydd yn parhau mewn manau eraill nid oedd modd aros ymhellach ac roedd yn rhaid i ni benderfynu bwrw ymlaen â chyflwyno Rheoliadau i Gymru ar ddyddiad a chyfnod llawer diweddarach nag a fyddai fel arfer yn digwydd.

Cyhoeddodd Llywodraeth y DU yn Ebrill 2022 y byddai'n rhoi'r gorau i gyflwyno rhagor o fesurau rheoli ffiniau tan ddiwedd 2023, ac y byddai Llywodraeth y DU yn adolygu'r trefniadau ar gyfer ffin Prydain, gan gynnwys rheolaethau iechydol a ffytoiechydol (SPS). Fodd bynnag, ar y pryd, dim ond tan 31 Rhagfyr 2022 y gwnaeth Defra ymestyn y cyfnod graddoli trosiannol gyda chydysniad Gweinidogion Cymru. Felly, mae angen cyflwyno estyniad pellach i'r TSP.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Vaughan.Gething@llyw.cymru
Correspondence.Vaughan.Gething@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Ar 30 Rhagfyr 2022, mae'r Rheoliadau hyn yn disodli'r dyddiad ar gyfer dod â'r cyfnod graddoli trosiannol i ben, fel y nodir yn y Rheoliadau Rheolaethau Swyddogol (Estyn Cyfnodau Trosiannol) (Diwygio) 2022, fel na fydd unrhyw wiriadau mewnforio pellach yn dod i rym ar nwyddau SPS o'r UE yn 2023. O ganlyniad i'r Rheoliadau hyn, estynnir y cyfnod graddoli trosiannol hyd at 31 Ionawr 2024.

Mae'r penderfyniad i beidio â chyflwyno gwiriadau pellach ar nwyddau SPS yn ystod 2023 yn golygu bod y polisiau dros dro canlynol yn cael eu hystyngiadau hyd at 31 Ionawr 2024 trwy'r Rheoliadau hyn (gyda pholisiau parhaol i ddilyn maes o law):

- Atal y gofyniad ar gyfer paratodau cig a fewnforiwyd i Gymru o aelod-wladwriaethau'r AEE, Ynysoedd Ffaro, yr Ynys Las, neu'r Swistir, i gael eu rhewi'n ddwfn, gan gadw'r hawddfaint dros dro hwn yn unol â'r rheolaethau cyfnod graddoli trosiannol diwygiedig. Bydd hyn yn caniatáu i baratodau cig o'r gwledydd hyn barhau i gael eu mewnforio mewn cyflwr oer.
- Nwyddau personol sy'n rhan o fapiau teithwyr (ac eithrio planhigion ar gyfer eu plannu) ac sydd wedi'u bwriadu i'w bwyta neu eu defnyddio'n bersonol, a llwythi bach o gynhyrchion a anfonir at bobl na fwriedir eu gosod ar y farchnad ac sydd wedi'u heithrio rhag rheolaethau swyddogol.
- Yr eithriad o'r gofyniad i rag-hysbysu ("rhag-hysbysu") ar gyfer rhai cynhyrchion penodol sy'n cael eu cynhyrchu yng Ngogledd Iwerddon neu Weriniaeth Iwerddon a'u mewnforio o Weriniaeth Iwerddon.

Rwy'n anfon copi o'r llythyr hwn at y Gweinidog Materion Gwledig a Gogledd Cymru, a'r Trefnydd, Huw Irranca-Davies AS, Cadeirydd y Pwyllgor Deddfwriaeth, Cyfiawnder a'r Cyfansoddiad, Siwan Davies, Cyfarwyddwr Busnes y Senedd, Sian Wilkins, Pennaeth Gwasanaeth y Siambr a Phwyllgorau a Julian Luke, Pennaeth Gwasanaeth y Pwyllgorau Polisi a Deddfwriaeth.

Yn gywir



Vaughan Gething AS/MS
Gweinidog yr Economi
Minister for Economy